

Pripadnici FMUP-a u Zenici uhapsili Ahmeda Istikhara

Pakistanac prijetio državnim tužiocima

Osumnjičen za trgovinu ljudima i ugrožavanje osoba pod međunarodnom zaštitom ● Ljudima koji su prijetili omogućio ulazak u BiH

Pripadnici Federalnog MUP-a uhapsili su u četvrtak navečer u Zenici državljanina Pakistana, stalno nastanjenog u Zenici, koji se sumnjiči za ugrožavanje bezbjednosti međunarodnih tužilaca Posebnog odjela za organizirani kriminal, privredni kriminal i korupciju Tužilaštva BiH Džona Meknera i Džonatana Šmita.

Nedopuštena trgovina

Iako je Uprava policije FMUP-a saopćila samo inicijale osumnjičenog, "Dnevni avaz" iz pouzdanih izvora saznaće da se radi o Ahmedu Istikharu. Prema saopćenju portparola federalne policije Roberta Cvrtka, Istikhar se sumnjiči za krivična djela trgovine ljudima, nedopuštenje trgovine te ugrožavanja osoba pod međunarodnom zaštitom.

Osnovano se sumnja da je Istikhar, nabavljajući i proda-



Mekner: Bez izjava

jući sredstva za neometane prelaska granice, odnosno krivotvorenjem vizu, omogućio i organizirao prebacivanje više stranih državljana preko BiH u ze-

mje zapadne Evrope te omogućio pojedincima da ugrožavaju osobe pod međunarodnom zaštitom. Istraga nije završena, a nadležni istražni organi nisu mogli precizirati da li će uslijediti hapšenja još nekih lica.

Od dobro obaviještenih izvora saznali smo da se Istikhar tereti da je određenim ljudima koji su prijetili državnim tužiocima omogućio dolazak u BiH.

U pritvoru Kula

Nakon saslušanja u MUP-u, Istikhar je jučer predat u nadležnost Tužilaštva BiH, a tužilac Ahmed Halebić za naš list je izjavio da je predložio određivanje pritvora te da ne može otkrivati više detalja. Na državnom Sudu doznali smo da je sudija za prethodni postupak odredio jednomječeni pritvor,



Halebić:
Predložio
pritvor

nakon čega je Istikhar prebačen u pritvorsku jedinicu Kazneno-popravnog zavoda Kula u Istočnom Sarajevu.

Sef Posebnog odjela Državnog tužilaštva Džon Mekner jučer nije želio davati izjave za medije. U Ambasadi Pakistana u Sarajevu rečeno nam je da nemaju nikakvu obavijest o hapšenju pakistanskog državljanina, dok su u MUP-u Zeničko-dobojskog kantona rekli da, prema instrukciji iz FMUP-a, o ovom događaju ne mogu govoriti za javnost.

M. KUKAN

Advokat negira da se uhapšeni tereti za prijetnje



Dautbegović:
Prodaja vize

Prema našim saznanjima, Istikhar je profesor društvenih nauka, u BiH je doputovao 1998. godine, a oženjen je Zeničankom. U naselju Lukovo Polje osnovao je firmu "El-Hana", trgovinu naveliko i malo i uvoz i izvoz. Iz policijskih izvora saznamo da je 2002. godine u Sarajevu osudivan na uvjetnu kaznu zbog falsificiranja bh. dokumenata.

Međutim, njegov advokat

Almin Dautbegović, koji je prisustvovaо jučerašnjem saslušanju na Sudu BiH, negira da je Istikhar osumnjičen za bilo kakve prijetnje.

- On se tereti da je nepoznatoj osobi prodao bjanko šengensku vizu za 150 KM. Moj klijent tvrdi da se radi o smiješnim optužbama i da on nikada ništa slično nije uradio. Negirao je sve navode tužioca - rekao nam je Dautbegović.

A. Dž.